

四庫全書

子部

欽定四庫全書

子部

赤水元珠卷五

詳校官太醫院恩種

臣孔毓秀

編修臣倉聖脈覆勘

總校官編修

臣王燕緒

校對官編修

臣王嘉曾

謄錄監生

臣裘豫

欽定四庫全書

赤水元珠卷五

水脹通論

明 孫一奎 撰

靈樞經曰水穀入於口輸於腸胃其液別為五天寒衣薄則為溺與氣天熱衣厚則為汗悲哀氣并則為泣中焦胃緩則為唾邪氣內逆則氣為之閉塞而不行不行則為水脹余知其然也不知其何由生願聞其

道岐伯曰五穀之津液和合而為膏者內滲入於骨
空補益腦髓而下流於陰股陰陽不和則使液溢而
下流於陰髓液皆減而下下過度則虛

下過度謂房
勞過度也

故腰背痛而脛痠陰陽氣道不通四海塞閉三焦不
瀉津液不化水穀并行腸胃之中別於迴腸留於下
焦不得滲膀胱則下焦脹水溢則為水脹

黃帝問於岐伯曰水與膚脹鼓脹腸覃石瘕何以別之
岐伯荅曰水始起也目窠上微腫如新卧起之狀其

頸脉動時欬陰股間寒足頸腫腹乃大其水已成矣
以手按其腹随手而起如裹水之狀此其候也帝曰
膚脹何以候之岐伯曰膚脹者寒氣客於皮膚之間
蹙蹙然不堅腹大身盡腫皮厚按其股窅然而不起
腹色不變此其候也鼓脹何如岐伯曰腹脹身皆大
大與腹脹等也色蒼黃腹筋起此其候也腸覃何如
岐伯曰寒氣客於腸外與衛氣相搏氣不得榮因有
所擊癖而內著惡氣乃起瘕肉乃生其始生也大如

鷄卵稍以益大至其成如懷子之狀久者離歲按之
則堅推之則移月事以時下此其候也石瘕何如岐
伯曰石瘕生於胞中寒氣客於子門子門閉塞不得
通惡血當瀉不瀉衄以留止日以益大狀如懷子月
事不以時下皆生於女子可導而下帝曰膚脹鼓脹
可刺耶岐伯曰先刺其脹之血絡後調其經刺去其
血絡也

石水臍以下腫其脉沉

本事方云臍腹四肢悉腫者為水但腹脹四肢不甚腫

為蠱

蠱即鼓脹也

綱目云水脹皆本於房勞過度

水腫

出素問水熱穴論

黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之關也關門不利故聚水

而從其類也上下溢於皮膚故為肘腫肘腫者聚水
而生病也帝曰諸水皆生於腎乎岐伯曰腎者牝臟
也地氣上者屬於腎而生水液也故曰至陰勇而勞
甚腎汗出腎汗出逢於風內不得入於臟腑外不得
越於皮膚客於玄府行於皮裏傳為肘腫本之於腎
名曰風水所謂玄府汗孔也帝曰水俞五十七處者
是何主也岐伯曰腎俞五十七穴積陰之所聚也水
所從出入也尻上五行行五者此腎俞故水病下為

肝腫大腹上為喘呼不得卧者標本俱病故肺為喘

呼腎為水腫肺為逆不得卧分為相輸俱受者水氣

之所留也

肺腎之標本其上下分為相輸相應之病而俱受者緣此二臟乃水氣之所留故也

伏菟上各二行行五者此腎之街也三陰之所交結
於脚也踝上各一行行六者此腎脉之下行也名曰
太衝凡五十七穴者皆臟之陰結水之所容也

尻上五行行五

脊中一

懸樞一

命門一

腰俞一

長強一

大腸俞一

小腸俞一

膀胱俞二

中膂內俞一

白環俞二

胃倉二

盲門二

志室二

胞盲二

秩邊二

伏菟上各二行行五

中注二

四滿二

氣穴二

大赫二

外陵二

大巨二

水道二

歸來二

踝上各一行行六

太衝二

復溜二

陰穀二

照海二

交信二 築賓二

甲乙經云身腫關門主之 水腫脹皮腫三里主之風水膝腫

巨虛上廉主之風水面肘腫顏黑解溪主之風水面肘

腫衝陽主之水中留飲胸脇支滿刺陷谷出血立已

面肘腫上星主之

先取諶謠後
取天牖風池

水腫人中盡滿唇反

者死水溝主之 水腫大臍平灸臍中無理不治

內經曰三陰結謂之水王註云謂脾肺之脉俱寒結也

又曰下焦溢而為水王註曰下焦為分注之所氣窒

不瀉則溢而為水

黃帝問曰有病腎風者面胗龐然壅害於言可刺否岐伯曰虛不當刺不當刺而刺後五日其氣必至帝曰其至何如岐伯曰至必少氣時熱時熱從胸背上至頭汗出手熱口乾苦渴小便黃目下腫難以行月事不來煩而不能食不能正偃正偃則咳病名曰風水論在刺法中帝曰願聞其說岐伯曰邪之所湊其氣必虛陰虛者陽必湊之故水氣時熱而汗出也小便

黃者少腹中有熱也不能正偃者胃中不和也正偃則欬甚上迫肺也諸有水氣者微腫先見於目下也曰何以言之岐伯曰水者陰也目者亦陰也腹者至陰之所居故水在腹者必使目下腫也真氣上逆故口苦舌乾卧不得正偃正偃則咳出清水也諸水病者不得卧卧則驚驚則咳甚也腹中鳴者病本於胃也薄脾則煩不能食食不能下者胃脘膈也身重難以行者胃脉在足也月事不來者胞脉閉也胞脉者

屬心而絡於胞中今氣上迫肺心氣不得下通故月
事不來也

針經曰肢脛者人之管以趨翔也莖垂者身中之機陰
精之候津液之道也故飲食不節喜怒不時津液內
溢乃下流於羣血道不通日大不休俛仰不便趨不
能此榮然有水上不下也

劉宗厚曰按內經諸水氣皆諸臟本病也針經所引則
又主飲食及七情等因皆致之可見病機之微矣但

有濕腫氣腫初亦頗相似然以手按之成凹不能即起者濕也濕與水有微甚之意況有氣腫及諸水形証不同要在臨症詳審也

水腫有陽水陰水之分若脉來沉伏面色青白不煩渴小便澀而清大便溏泄為陰水治宜實脾脉來沉數面色赤黃或煩渴小便赤而難大便秘治宜疎氣瀉滌

論水氣証治大法

內經曰不從毫毛病生於內者陰氣內盛陽氣竭絕不得入於腹中故言五臟陽以竭也津液者水也充郭皮中陰蓄於內水氣脹滿上攻於肺肺氣孤危魄者肺神腎為水害子不救母故云其魄獨居也夫陰精損削于內陽氣耗減於外則三焦閉溢水道不通水滿皮膚身體否腫故云形不可與衣相保也凡此之類皆四肢脉數急而內鼓動於肺中也肺動者謂氣急而欬也如是者皆水氣格拒於腹膜之內浮腫施

張於身形之外欲窮標本其可得乎平治權衡謂察
脉浮沉也脉浮為在表脉沉為在裡在裏者泄之在
表者汗之故云開鬼門潔淨府也去宛陳莖謂去積
久之水物猶如草莖之不可留於身中也

劉宗厚曰按經論水氣証治至為機密故云開鬼門潔
淨府然鬼門者猶幽玄之謂有毛竅而不見其開闔
邪氣感入邪與正相搏毛竅閉塞而寒熱作為病客
於表故宜發汗遣邪氣以開鬼門也此亦發汗之別

稱泄諸病在表之通例也。淨府者謂膀胱內無入孔而外有出竅為清淨津液之府。憑腎氣藏氣化水穀之精而滲入脬中氣約成溺出也。夫腎主下焦司閫闢開竅二陰肺脾之氣通調水道下輸膀胱氣化水行而自清淨否則便澁或濁或淋為水氣溢於腠理為膚腫諸病若宛屈陳莖壅滯身中當泄去是物而潔淨宜此二法在表者汗之在裏者瀉之權衡于治也。雖然經云水病本之于肺腎二經而古今方論並

不以治水獨瀉腎氣為說者何蓋腎陰奉行降令為
生化之源而常不足至陰精損削於內生氣不能運
化至為臍腫其氣索矣況肺弱而母氣孤危者乎故
東垣曰若治以甘淡滲泄陽藥獨陽無陰其欲化得
乎此探蘊已上治例之妙也如積飲留飲傷脾若土
之于雨中則為坵矣或因七情所致手足太陰俱病
身浮腫似水氣用燥脾導氣之劑即愈一則若坵土
之得和風暖日水濕去而陽化自然萬物生長一則

肺氣開泄滲道通利水氣不濡于脾矣此正諸濕腫
滿皆屬脾土諸氣臢鬱皆屬於肺而與陰陽為病水
氣機之不同故亦不待開鬼門潔淨府而已也

原病式謂水腫為濕熱實甚故治以辛苦寒藥蓋以辛
散結而苦燥濕以寒除熱而隨其利濕去結散熱退
氣和而愈而謂脾虛不能制水之說為非

丹溪以水腫由脾虛不能制水故水漬妄行當以參朮
補脾使脾健則自能轉運而水自行但宜補中行濕

利小便為上

劉宗厚曰按劉河間以水腫為濕熱謂在表有熱宜汗
謂在裏有熱宜下治法宜開鬼門潔淨府蓋言有餘
之証然也丹溪以脾虛不能制水治當補中行濕利
小便蓋言不足之証然也若夫滋腎制火之說愚切
以為未當蓋補腎之藥乃陰滯柔潤適以滋濕耳豈
理也哉今治此証但脾虛受濕為不足所致者宜燥
脾土兼利小便若夫氣鬱飲食濕熱所致者禁不得

妄下証雖可下又當權其輕重不可過用羌花大戟
甘遂猛峻之劑暫時快利水氣復來而無以治之也
少壯充實脉洪大有力者當導去其水年老虛人得
此惟當補中行濕為先設或元氣下陷者即又當升
提之

古方十種証候以短氣不得卧為心水兩脇疼痛為肝
水大便鴨溏為肺水四肢苦重為脾水腰痛足冷為
腎水口苦咽乾為膽水乍虛乍實為大腸水腹急肢

瘦為膀胱水小便秘澁為胃水小腹急滿為小腸水
以此十水為正水外有風水皮水石水黃汗風水又
有風腫氣腫血腫風腫者皮粗麻木不仁走注疼痛
氣腫者皮厚四肢瘦削腹脇脹膨至若煩躁澀水迷
忘驚狂嘔逆煩悶皮間有紅縷赤痕者此血腫也嬾
人經脉壅閉敗血停腐尤多見此妊娠亦有氣遏水
道而虛腫者此但順氣安脾飲食無阻既產而腫自
消若產後發虛則虛退而告殂矣

大抵浮腫之脉帶數即是虛寒潛止其間久必沉伏沉伏則陽虛陰實為水必矣 面龐然浮腫疼痛其色

焔黑多汗惡風者屬腎風

治見風証

諸唇黑則傷脾缺盆平則傷心臍出則傷肝足心平則傷腎背平則傷肺凡此五傷必不可治

大凡水腫先起於腹而後散於四肢者生先起於四肢而後入腹者死至若鼓脹而肚上青筋脹滿而大便滑泄久瘡而轉作虛浮又兼見前五傷則死矣與夫

男從腳上腫而上女從上腫而下或肉硬或掌心平而無紋皆不治

論生死脉法

水病脉洪大者可治微細者不可治水病脹閉其脉浮大數者生沉細虛小者死水病腹大如鼓脉虛者死實者生

脉經叙諸水形症

原出金匱要畧

病有風水有皮水有正水有石水有黃汗

寸口脉沉滑者中有水氣面目腫大有熱或身體反
重而酸或惡風一身悉腫脉浮不渴續自汗出而無
大熱者皆為風水風水其脉自浮外症骨節疼痛惡
風

皮水其脉亦浮外症肘腫按之沒指不惡風其腹如
鼓不渴當發其汗皮水之為病四肢腫水氣在皮膚
中四肢聶聶動者防已茯苓湯主之

正水其脉沉遲外証自喘

石水其脉自沉外証腹滿不喘

黃汗其脉沉遲身發熱胸滿四肢頭面腫久不愈必致癰膿

心水者其身重而少氣不得卧煩而躁其人陰腫

肝水者其腹大不能自轉側脇下腹痛時時津液微生小便續通

肺水者其身腫小便難時時鴨溇

脾水者其腹大四肢苦重津液不生但苦少氣小便

難

腎水者其腹大臍腫腰痛不得溺陰下濕如牛鼻上汗其足逆冷面瘦

裏水者一身面目黃腫其脉沉小便不利故令病水也

仲景曰諸水身半以下腫者當利小便身半已上當發汗經云身半已上天氣主之身半以下地氣主之天氣主之者其在皮也故汗而發之

問肌肉之外皮膚之裏首至足一身皆腫者當作何
治答曰亦宜汗之也與身半以上同法身半以上汗
之者尺寸之天地也故汗之肌肉之外皮膚之裏一
身盡腫者從天而汗之此表裡之浮沉凡治之法當
如是也肺心肝腎中州已上俱宜汗中州已下皆宜
汗如小便利而渴不宜汗不宜下以其重亡津液故
也

王海藏曰觀高低內外輕重表裡隨經補瀉要當謹察

肺胃腎三經病即廕也

夫水氣者胃土不能制腎水逆而上行傳入于肝故令
人腫治者惟知泄水而不知益胃故多下之強令水
出不依天度流轉故胃愈虛食不滋味則發而不能
治也莫若行其所無事則為上計不可不知 凡補
胃不可使之壅滯如本草叙赤小豆治水腫通氣補
脾胃之類是也

羅太無治許魯齋藥案云魯齋年五十八面目肢體浮

腫大便秘澇多腹脹腸鳴時痛飲食減少脉得弦細而
緩年少時多服牽牛大黃藥面目四肢時有浮腫今
因陰雨故大發予曰營運之氣出自中焦者胃也胃
氣弱不能布散水穀之氣營養臟府經絡皮毛故氣
行而瀉為浮腫大便秘澇多而腹脹腸鳴皆濕氣勝也
四時五臟皆以胃氣為本五臟有胃氣則和平而安
若胃氣虛弱不能運動滋養五臟則五臟脉不和平
本臟之氣盛者其脉獨見輕則病過甚則病死故經

曰真臟之脉弦無胃氣則死今幸未至於甚尚可調補人知服牽牛大黃為一時之快不知其為終身之害也遂以平胃散加白朮茯苓草豈寇仁數服而腹脹漉泄腸鳴時痛皆愈飲食進止有四肢浮腫以導滯通經湯主之良愈

導滯通經湯 治脾濕而氣不宣通面目手足浮腫

陳皮 白朮 桑白皮 木香 茯苓

各五錢

一兩

右每服六七錢水煎食前服

霖雨時加澤瀉一兩

丹溪治水腫多以二陳加白朮人參蒼朮為主佐以黃
芩麥冬炒梔子制肝木若腹脹少佐以厚朴 氣不
運加水香木通 氣若陷下加升麻柴胡提之隨病
加減必須補中行濕二陳治濕加升提之藥能使大
便潤而小便長 產後必須以大補血氣為主少佐
蒼朮茯苓使水自降用大劑白朮補脾若壅滿用半
夏陳皮香附監之 有熱當清肺金麥門冬黃芩之
屬 一方用山梔去皮取仁炒槌碎米湯送下一抄

若胃熱病在上者帶皮用 治熱水腫山梔子五錢
木香一錢半白朮二錢半取急流水煎服 水脹用
大戟香薷濃煎汁成膏丸去暑利小水 大戟為末
棗肉丸十九泄小水劫實者

綱目述丹溪治水腫得效之法十五條其法大率以甘
草佐白朮參陳等劑補中氣為君木通滑石郁李仁
海金沙行水為臣厚朴大腹皮蘓梗通滯意為佐使
如氣不升浮惡寒脉沉者探吐以提之頭面光腫加

麻黃微汗之挾積氣者佐以保和溫中抑青等九磨之挾熱者佐以黃芩之類清之挾瘡癰者佐以連翹犀角散之而隨証加減也

仲景曰寸口脉沉而遲沉則為水遲則為寒寒水相搏跌陽脉伏水穀不化膽氣衰則驚澹胃氣衰則身腫少陰脉細男子則小便不利婦人則經水不通經為血血不利則為水名曰血分

仲景治水大法

風水脉浮身重汗出惡風者防已黃芪湯主之

防已

一兩

黃芪

一兩二分
錢五分

白朮

七錢
五分

甘草

炙五錢

右每服五錢生薑四片棗一枚水煎溫服良久再服
腹痛加白芍藥

因濕為腫者前湯調下五苓散 又前湯治風濕脉浮
為在表其人或頭汗出外無表証惟腰以下常重而
腫難以屈伸腰以上俱和者並效

風水惡風一身悉腫腠浮不渴自汗出而無實熱者越

婢湯主之 治裏水加白朮四兩

麻黃

去節 六兩

石膏

半斤

生薑

三兩

大棗

十二枚

甘草

二兩

右五味以水六升先煮麻黃抹去上沫入諸藥煮

取三升分溫三服 惡風者加大附子一枚

炮

古今錄驗治風水加朮四兩

皮水為病四肢腫水氣在皮膚中四肢聶聶動者防已

加茯苓湯主之

防已

黃芪

桂枝

各三兩

茯苓

六兩

甘草

炙二兩

右五味水六升煮取三升分溫三服

裏水為病越婢加朮湯主之又甘草麻黃湯亦主之

甘草

炙二兩

麻黃

去節四兩

水五升先煮麻黃去渣沫內甘草煮取三升溫服

一升被覆出汗汗不出再服慎風寒

水之為病其脉沉小屬少陰浮者為風無水虛脹者為
氣水發其汗即已脉沉者宜附子麻黃湯浮者宜杏
子湯

附子麻黃湯

附子

一枚炮去皮
臍切作八片

麻黃

去節

甘草

炙各
三兩

水七升先煮麻黃再沸去上沫內諸藥煮取二升
半溫服八合日三服

陰陽結邪多陰少陽名曰石水小腹腫石水者謂冬月
水冰如石之時故曰石水也火墓於盛冬陽氣微故
石水而死也

腎肝並沉為石
水並浮為風水

黃汗之為病身體腫發熱汗出而渴狀如風水汗沾衣

色其黃如蘗汁脉自沉問曰從何得之以汗出入水中浴汗從孔中入得之黃汗者黃芪芍藥桂枝苦酒湯主之

黃芪

五兩

芍藥

三兩

桂枝

去浮皮
三兩

苦酒

一升

水七升煮三升溫服一升當心煩也至六七日乃解若心煩不止者以苦酒阻故也

黃汗之為病兩頸自冷假令發熱此屬歷節食已汗出又身常暮卧盜汗出者此榮氣也若汗出已反發熱

者久久其身必甲錯發熱不止者必生惡瘡若身重
汗已出輒輕者久久其身潤潤即胸中痛有又從腰
已上必汗出下無汗腰下弛痛如有物在皮中狀劇
者不能食身疼重煩躁小便不利此為黃汗桂枝加
黃芪湯主之

桂枝

去皮浮

生薑

芍藥

各三兩

甘草

炙二兩

黃芪

右八棗十二枚擘以水八升煮取三升溫服一升
須臾飲熱稀粥一升以助藥力被覆取汗不汗更

服之

師曰寸口脉遲而澁遲則為寒澁則為虛不足趺陽脉
微而遲微則為氣遲則為寒寒氣不足則手足厥冷則
營衛不利營衛不利則腹滿胸鳴相逐氣轉膀胱營
衛俱勞陽氣不通則身冷陰氣不通則骨痛陽前通
則惡寒陰前通則脾不仁陰陽相得其氣乃行大氣
一轉其氣乃散實則失氣虛則遺溺名曰氣分氣分
心下堅大如盤如旋杯水飲所作桂枝去芍藥加麻

黃附子細辛湯主之

桂枝

去浮皮

生薑

麻黃

去節

細辛

各二兩

甘草

炙一兩

大棗

二十枚擘

附子

二枚炮去皮切八片

右水七升先煮麻黃去沫內諸藥煮取二升分溫三服當汗出如虫行皮中愈

心下堅大如盤如旋杯水飲所作枳朮湯主之

枳實

白朮

各三兩

右二味水五升煮取三升分溫三服腹中硬即當

散也

面目浮腫喘嗽痰涎葶藶大棗瀉肺湯主之

甜葶藶 苦葶藶 等分 大棗

腰已下有水氣牡蠣澤瀉散

兩脇下有水氣腹中雷鳴生薑瀉心湯

十棗湯

大戟 芫花 甘遂 各等分

三花神祐丸

十棗湯加 牽牛 大黃 輕粉 水丸服

除濕丹

神祐丸加 乳香 沒藥

玄青丹

神祐丸加 黃連 黃栢 青黛

已上四方不可輕用必看其有實候乃用之

明理趣痛丸 治水氣浮腫又治腳氣上攻風毒走注

疼痛神效

白芥子

生為末

肥甘遂

生為末

生大黃

各末一兩

右用白麵一兩半滴水丸作餅子煨令黃不可過
焦為末醋糊丸梧桐子大冷酒下二十九丸不拘時
量虛實加減

紫苑散

木香

人參

白朮

紫苑

川芎

各二兩

右粗末生薑烏梅煎服次日又一服

調胃白朮澤瀉散

治痰病化為水氣傳為水鼓不能食

白朮 澤瀉 芍藥 陳皮 茯苓 生薑

木香

枳榔

各等分

一法加白朮本藥各半治臍腹

上腫如神心下痞者加枳實下盛者加檳榔

胡洽方 治支飲癖飲于十棗湯中加大黃甘草五兩

同煎服之故以相反之劑欲其上下俱去也 郁李

仁破癖氣能下四肢水 大抵去水藥多泄熱當求

脉之虛實下之

消腫散 治水氣喘呼不得卧煩熱躁渴大小便不利

大黃

蒸

山梔

炒

甘草

炙

乾葛

陳皮

麻黃

川芎

馬牙硝

各等分

為末蜜湯調下二錢

又方 千金子二百五十粒薑三片滾水煎空心服以
利為度

集成尊重九 治蠱証水腫氣腫喘急小水赤澁大便

秘結一切中滿單腹鼓脹

人參 沉香 丁香 木香 檳榔 車前子

葶藶子

錢各四

胡椒

蝎梢

滑石

海金沙

赤茯苓

白豆蔻

錢各一

蘿蔔子

錢六

郁李仁

一兩二錢

右為末薑汁糊丸梧桐子每服三九薑湯下一日服三次

簡易方 治蠱脹身乾黑瘦多渴煩悶

馬鞭草細剉曬乾勿見火以酒煮味出去渣溫服立效不善酒者水煎亦可

六月半時採

元戎神方

烏鷄子一枚去頂取清黃汁調膩粉一大錢令勻內
殼中以蒸餅劑裹之蒸熟去殼取熟黃二葶藶等分
炒為末與上并黃蒸餅等為丸豈大每服三五十丸
車前子湯下小便澀不通瞿麥湯下

又攻擊泄下之劑

去宛陳莖之法也

許學士十腫水病并根源証狀方法

一青水先從左右肋腫起根在肝 大戟

二赤水先從舌根起根在心

葶藶子

三黃水從腰腹起根在脾

甘遂

炒

四白水從腳腫起根在肺

桑白皮

五黑水從外腎腫起根在腎

連翹

六玄水從面腫起根在外腎

芫花

醋炒

七風水從四肢腫起根在骨

澤瀉

八石水從腎腫起根在膀胱

藁本

九高水從小腹腫起根小腸

巴豆

去皮油

十氣水或盛或衰起根在腹

赤小豆

右十般腫病各有根源種種不同看十腫病根除一味倍多餘九味等分逐味依法修治焙為細末煉蜜丸如梧子大用赤茯苓湯吞下三丸不拘時候每日三服忌鹽一百二十日緣鹽能化水也又忌魚鰕麵食一切毒物及生冷房室甚效用此方獲瘥後更服後來補藥

補藥方

肉桂

去粗皮

乾薑

肉豆蔻

赤茯苓

去皮

義朮

醋煮

川芎

桔梗

各等分

依法製服一方無茯苓朮有青皮白朮枳榔

俱等分為末每服三錢百沸湯點服空心食前日

午晚各一服前項二方治水腫病甚效予試用之

百發百中獲濟無數

治腫滿小便不利茯苓散

郁李仁

四錢

枳榔

二錢

白朮

一錢

赤茯苓

一錢

甘遂

切片炒一錢

陳皮

一錢
半 右為末每服一錢薑棗湯調下

已上三方許學士試效者治水腫無逾此矣

雄黃神金散

雄黃 葶藶

類米炒熟
去米一兩

澤瀉 椒目

減半

大戟

巴戟 茯苓

芫花

醋浸一
日炒

甘遂

桑皮

各一
兩

右為末空心用井花水調服每一錢加至五錢以
利為度忌鹽醋生冷油膩之物

從腳腫加葶藶 肚腫加椒目 從陰腫加澤瀉

面腫加茯苓 從心腫根在肋加雄黃 從肢腫

根在皮加甘遂 從口腫根在小腸加巴戟 從

腰腫根在腎加大戟 從膝腫根在肝加羌蒼

三白散 治膀胱蘊熱風濕相乘陰囊腫大二便不利

白丑 二兩 桑白皮 白朮 陳皮 木通 各等分

為末每服二錢空心薑湯調下小兒減半

秘方 治鼓脹如神氣鼓則放屁水鼓則下水而愈

大戟 白商陸 甘遂 各三錢 陳皮 二錢 大腹皮

檳榔 白朮 海帶 海藻

各二兩

為末每用三錢和白麵三兩水拌做一塊分作三小塊每塊捍碗口大薄餅一箇共作三箇無油鍋內烙熟空心服一餅酒送下茶過口坐卧忌風生冷油膩鹽一箇月不能斷葷者不可治也此藥試過每用一餅僅行水四五度並不瘦人

一方 用乾鷄屎一升炒黃好酒三碗淬下煮作一碗絹濾去渣飲之少頃腹中氣大轉腸鳴從大便利下

脚膝及蹄上下先皺起漸漸消至腹如一次消不盡
再服一劑以田螺二枚滾酒內漂熟食之即止後以
溫粥調養而安

此方治一切水氣濕發腫效

三因消腫丸 治水腫喘滿小便不利

滑石 木通 白朮 黑丑炒 茯苓 半夏

陳皮各一錢 木香 瞿麥 丁香各五分

為末酒糊丸梧子大每五十九丸灯心麥門湯下

葶藶丸 治涌水証如溢囊裏漿或遍身腫滿按腹

不堅疾行則濯濯有聲或喘欬不定

葶藶

炒

澤瀉

椒目

桑白皮

木豬苓

杏仁

錢各五

為末煉蜜丸梧子大每二三十丸葱白湯下不拘
時服以利為度

局方神助散 治十種水氣面目四肢浮腫以手按之
隨手而起欬嗽喘急不得安卧小便赤澁大便不利

黑丑末

澤瀉

各一兩

椒目

半兩

猪苓

二兩

葶藶

三兩

右為末葱白三莖水煎入酒調服三錢

薏苡根散

治水腫

薏苡根

君

木香

檳榔

黑丑

右為末酒調服妙

聖惠氣寶丸

又名順氣丸

治腰脇俱病如抱一甕肌膚堅硬

按之如鼓脚腫不能屈伸自頭至臚中瘦脊露骨胃
膈痞悶四肢無力

木香

茴香

炒

羌活

木瓜

川芎

當歸

陳皮

炒

枳殼

地骨皮

各一兩

大黃

一兩半

黑丑

二兩

皂角

四兩

右為末熬皂角膏為丸梧子大每六十九溫酒下一方無木瓜生薑灯心湯下治一切氣血凝滯風毒熾盛脚氣走注作腫或大便閉脚氣入腹滿悶寒熱往來狀如傷寒並宜服之

簡易方

治水蠱不問年月深者

大戟 當歸 陳皮

各一兩

水二升煮七分頃服利二三斗即愈

元戎方 治十種水氣垂死

鯉魚一頭重一斤者和葱白冬瓜羹食之

又治鼓氣方

滑石 輕粉

各一錢

槐花

半錢

右不犯鉄氣為細末生地黃自然汁生薑自然汁
停滴在藥中為丸梧桐子大一日服三九次日服

四九五日以下早晨只一服用生地黃汁溫送下
小便中水盡為度得睡後日服嘉禾散十日永不
再發

治陰水腫之劑

五皮散 治風濕客於脾經氣血凝滯以致面目俱浮
四肢腫滿心腹膨脹上氣喘促

五加皮 地骨皮 生薑皮 大腹皮 茯苓皮
水煎熱服 一方加牽牛

澹寮方無地骨皮五加皮 加陳皮桑白皮

白朮木香散

治腫滿喘嗽欲變成水病者不能食不

能卧小便秘

白朮

猪苓

甘草

澤瀉

赤茯苓

各五錢

木香

槟榔

各三錢

橘紅

二兩

官桂

二錢

滑石

三兩

右每服一兩半生薑三片水煎溫服

木通一方加

拔萃聖靈丹

治脾肺有濕喘滿風盛小便赤澀

苦苧藤

炒四兩

防己

二錢

赤茯苓

炒

木香

栝榔 木通

人參

各一錢五分

為末以棗肉九梧子大每服五十九桑白皮湯下

續隨子九 治通身虛腫喘悶不快

人參 防已

赤茯苓

炒麵

續隨子

木香

栝榔 海金沙

另炒各五錢

苦葶藶

四兩

右為末棗肉九梧子大每五十九桑皮湯下

退腫搨氣散 治積水驚水或飲水過多停積于脾故

四肢而身熱用藥惟內消其腫自退

赤豆 陳皮 蘿蔔子 甘草 炙各五錢 木香 二錢半

每服一兩生薑三片棗一枚水煎食前服

復元丹 治水腫皮膚盈溢心腹堅脹喘急不得正偃
正偃則咳嗽腿腹冷口苦舌乾小便不利夢中虛驚
不得安卧

附子 炮 木香 煨 茴香 炒 川椒 炒去汗 獨活 厚朴

白朮 炒 吳茱萸 炒 桂心 各一兩 澤瀉 半 肉果 煨

枳榔 各五錢

為末糊丸梧子大每服五十丸紫蘓湯下一日三服先便旋利如傾次乃腫潰喘止此藥能助真火以養真土運樞機禁慾絕鹽半年乃不再作

當歸散 治同前

川芎 赤芍藥 牡丹皮 白朮 赤茯苓

陳皮 枳榔 木香 桂心 木通

各等分
為末

脚膝頭面腫大小便不快每服二錢水一鍾紫蘓葉二片木瓜一片同煎八分溫服日三服稍覺愈

只早晚服二次但覺氣下小便長是效 臟虛去

栝榔 臍凸加大腹皮猪苓各一兩 忌鷄魚肉

酸醎之物及海味

大半夏湯 治土不能制水水則干腸胃溢於皮膚漉

漉有聲怔忡喘息名曰水脹

橘紅 半夏 茯苓 甘草 桔梗 栝榔

各等分每服五錢薑三片水煎服

赤茯苓丸 治同上

木香

五錢

苦葶藶

炒四兩

防己

二兩

赤茯苓

二兩

為末棗肉丸梧子大每服三十丸桑皮湯下

人參葶藶丸 治一切水腫及喘滿不可當者

人參

一兩

苦葶藶

炒四兩

為末棗肉丸梧子大每三十丸桑白皮湯下

神秘湯 治水氣上乘于肺肺得水而浮水腫不卧卧

則喘

白茯苓

木香

各五錢

桑白皮

紫蘓

葉

陳皮

人參 各七錢

薑七片水三鍾煎鍾半食後分五服

無碍丸 治脾病橫流四肢腫滿

木香

半兩

蓬朮

炮

三稜

炮

枳榔

郁李仁

炮

去皮各一兩

大腹皮

二兩

為末麥芽麵糊為丸梧子大每服三十丸生薑湯

吞下

香蘓散 治水氣虛腫小便赤澀

陳皮

去白
一兩

防已

木通

紫蘓葉

各錢

右為末每服二錢薑三片水煎食前服

小葶藶丸

治腫滿腹大四肢枯瘦小便澁濁

甜葶藶

炒

薺菜根

等分
為末

煉蜜丸彈子大每服一九陳皮湯嚼下只三九小

便清數病愈

牡蠣澤瀉散

治脾胃氣虛不能約制腎水水溢下焦

腰以下腫

牡蠣

炒

澤瀉

蜀漆

洗去腥

葶藶

炒

瓜蒌根

白商陸根

海藻

洗

等分為末白湯調服方寸匕小便利止後服

踈鑿飲子

治水氣遍身浮腫喘呼氣急煩渴大小便

不利服熱藥不得者

澤瀉

赤小豆

白商陸

大腹皮

茯苓

羌活

椒目

木通

秦朮

栝榔

等分

薑五片水煎服

大橘皮湯 治濕熱內攻腹脹水腫小便不利大便滑

泄

陳皮

半一兩

木香

半二錢

滑石

兩六

檳榔

錢三

茯苓

兩一

猪苓

白朮

澤瀉

肉桂

錢各五

甘草

錢三

生薑五片水煎服

實脾散

厚朴

白朮

木瓜

附子

炮

木香

茯苓

大腹子

草果仁

乾薑

炮各一兩

甘草

錢炙五

薑五片棗一枚水煎服

加味枳朮湯 治氣為痰飲所膈心下堅脹名曰氣分

枳殼 白朮 陳皮 檳榔 桔梗 木香

桂 紫蘚梗葉 五靈脂 炒各二分 半夏

茯苓 甘草

各一分半

薑三片水煎服

調榮散 治瘀血化為水四肢浮腫皮肉赤紋名曰血

分

細辛 莪朮 桂 赤芍 川歸 川芎 玄胡索

白芷 大腹皮 桑白皮 栝榔 藿麥穗 陳皮

赤茯苓 葶藶 炒 大黃 煨各一分 甘草 炙一分半

每服五錢薑棗煎食前服

大葶湯 治風水通身腫百節痛惡風自汗眼合不得

短氣欲絕其脉浮

大葶 杏仁 去皮炒 麻黃 防風 防己 猪苓 各四兩

澤瀉 黃芪 烏頭 炮各三兩 半夏 茯苓 白朮 各五兩

甘遂炒 甘草

炙各一兩

每服五錢薑七片水二鍾酒半鍾煎一鍾服以大
小便利為度如不利加生大戟

五兩

葶藶

炒香二兩

無不

利矣

內甘遂甘草本相反故用之以成功屢試屢效非
泛常所可測也

澤漆湯 治石水四肢瘦腹腫不喘其脉沉

澤漆

洗去腥五兩

桑白皮

六兩

射干

朱泔水浸

黃芩

茯苓

白朮

各四兩

澤瀉

防己

各二兩

每服五錢水三鍾先用黑豆一合煎至二鍾入藥

同煎七分空心食前服一日三次

附子萊菔湯

治寒客皮膚殼殼然而堅腹大身腫按

之陷而不起色不變病名膚脹一劑未知再作

大附子

大者一枚
生去皮臍

萊菔

二兩

生薑

一兩
切

水二鍾煎一鍾分三服空心午晚各一服

葶藶防己丸

治面目浮腫肺氣喘咳不安小便赤澀

防己

一兩

木通

葶歷

杏仁

去皮尖
麤炒

貝母

煨各
一兩

右為末棗肉丸梧子大每服五十九丸食遠服桑白

皮煎湯送下

酒腫丸

治酒腫及脾虛發腫

蘿蔔

十枚

皂角

五枚

二味用水煮乾去皂角將蘿蔔搗爛蒸餅糊為丸

芡實大蘿蔔煎湯如意送下

犀角湯

治結陽症四肢腫滿熱澀不散

或毒
攻注

犀角 玄參 連翹 柴胡 各五分 芒硝 錢三 升麻

木通

錢各一

沉香

射干

甘草

炙各七分

麥門冬

錢三

分二服水煎

消腫湯 治水腫喘滿大小便不利

白朮

山梔

錢各五

赤茯苓

蘿蔔子

錢各三

葶藶

椒目

蘓子

錢各一

沉香

分三

木香

分五

水煎服

又方

繼前服

已上二方神效

葶藶

二錢

椒目

一錢

猪苓

一錢半

澤瀉

八分

葱白三根水煎吞牽牛末為丸則大小便俱通

二奇方

白朮

五錢

滑石

三錢

水煎服七服全愈

白茯苓湯

治水腫

開鬼門潔淨府

机要方

白茯苓

澤瀉

各二兩

郁李仁

五錢

水煎臨服入生薑自然汁服

或作粥飯或和麵

作裸食之五七日後俟脹下乃與白朮散

又方 大田螺大蒜生車前草和研為膏作大餅敷于
臍上少頃水從小便出數日愈

病機白朮散 服前白茯苓湯利後以此補之

白朮

澤瀉

各五錢

為末以茯苓三錢煎湯調下或丸服亦可每三十
丸從少至多後以黃芪建中湯之類調補

脹滿門

一名鼓脹

內經曰諸濕腫滿皆属于脾

蓋言脾虛不能運化此脹滿之所由生也

又曰濁氣在上則生臌脹

此清濁相干而為脹也其中亦有寒熱之分

靈樞曰脹者皆因厥氣在下寒氣逆上榮氣留止真邪相攻兩氣相搏合而為脹又曰內虛不足中寒濕令人中滿又曰胃中寒則腹滿

針經云脹取三陽三陽者足太陽膀胱寒水為脹也

此皆

以脹為寒也

內經曰諸腹脹大皆属于熱

丹溪曰七情內傷六淫外侵飲食不節房勞致虛脾土受傷轉輸失職胃雖受谷不能運化故陽自升陰自降而成天地不交之否清濁相混隧道壅塞濕鬱為熱熱又生濕濕熱相生遂成脹滿經曰鼓脹是也以其外雖堅滿中空無物有似於鼓又名蠱者若虫侵食有蠱之義是以脹滿為熱也

陽熱為邪則身體有熱腹滿而咽乾陰寒為邪則吐不下食脹滿而自利

又有穀脹水脹氣脹血脹不可不別

失飢傷飽痞悶停酸旦食暮不能食者是為穀脹

脾土受濕不能制水水漬於腸胃而溢於肌膚漉漉
有聲怔忡喘息是為水脹

七情鬱結氣道壅隔上不得降下不得升身腫大而
四肢瘦削是為氣脹

煩躁漱水迷忘驚狂痛悶嘔惡虛汗厥逆小便多大
便黑婦人尤多見之是為血脹

又有五臟六腑之脹

出靈樞經論篇全
文在醫旨緒餘

靈樞曰心脹煩心短氣卧不安 肺脹虛滿而喘咳

肝脹脇下滿而痛引小腹 脾脹善噦四肢煩悅體

重不能勝衣卧不安 腎脹腹滿引背央央然腰髀

痛 胃脹腹滿胃脘痛鼻聞焦臭防於食大便難

大腸脹腸鳴而痛濯濯冬日而重感於寒則飧泄不

化 小腸脹小腹膜脹引腰而痛 膀胱脹少腹滿

而氣癰 三焦脹氣滿於皮膚中輕輕然而不堅

膽脹者脇下痛脹口中苦善太息

大概有虛實之辨實者腹中常脹外堅內痛按之不陷法當踈利虛者時脹時減虛氣留滯按之則濡法當以溫藥和之

又有五積久而成脹滿者有外感寒邪傳入於裏寒變為熱作胃實而脹滿者有痰癰久而成脹滿者治療之法在體認詳明按而治之可也

久病羸乏變為脹滿喘息不得及腫脹而肌肉崩潰足

脛流水唇黑缺盆平臍突背平足心滿此數者皆為
五臟損敗不治之症也

陳無擇曰脹滿皆臟氣不平勝乘相因為病如怒傷肝
肝尅脾脾氣不正必脹于胃名曰勝尅怒乘肺肺氣
不傳必脹於大腸名曰乘尅

丹溪戒云醫家不察虛實急於作效病者苦于脹急喜
行利藥以求通快不知寬得一日半日其腫愈甚病
邪深矣真氣傷矣

脉訣舉要曰脹滿脉弦脾制於肝洪數熱脹遲弱陰寒
浮為虛滿緊則中實浮則可治虛則危急

丹溪云宜大補中氣行濕此乃脾虛之甚必須近音樂
斷厚味大劑人參白朮佐以陳皮茯苓蒼朮之類

有脉實堅人壯盛者或可攻之便可收補用參朮為
主 凡補氣必帶厚朴寬滿以其味辛能散其結也

須用薑汁製之 肥胖人初脹未久以胃苓湯服
如面白入腹脹是氣虛宜參朮厚朴陳皮 如瘦人

腹脹是熱宜黃連厚朴香附白芍 如因有故蓄血

而腹脹者宜抵當丸下死血 如因有食積而腹脹

有熱者用木香檳榔丸有寒者用木香厚朴丁香砂

仁神麴香附 如因外寒束內熱而腹脹者用藿香

麻黃升麻乾葛桂枝 因大怒而腹脹者宜青皮陳

皮香附木香梔子仁蘆薈 實者按之堅須下之次

消之次補之 虛者溫之升之補之 朝寬暮急血

虛暮寬朝急氣虛終日急氣血俱虛 腹脹不寬滿

者食肉多用黃連一兩阿魏半兩醋浸餛飩為丸同
溫中丸白朮湯下 食肉多三補丸料內加香附半
夏麴蒸餅糊丸服

鼓脹說

生生子曰脹滿之疾穀食不消小便不利腹皮脹急而
光內空空然如鼓是矣俗知謂之鼓脹不察其致之

者有由也內經曰脹取三陽三陽者足太陽

寒水膀胱經也

靈樞經曰下焦溢而為水靈蘭秘典曰膀胱者州都之

官津液藏焉氣化則能出矣歷考三書可見小便之不利由下焦原氣虛寒以致濕氣壅遏於膚裡膜外之間不得發越勢必腫滿是腫滿之疾起于下元虛寒也若非溫補下元則小便何能獨利且夫人之胃如釜甑然釜底火旺則熱氣薰蒸甑炊易熟若徒有水而無火則無氣上升物何由熟即此可以例觀矣故治脹滿者先宜溫補下元使火氣盛而濕氣蒸發胃中溫煖穀食易化則滿可寬矣夫清氣既升則濁

氣自降濁氣降則為小便也小便利脹有不消乎語
謂地氣上為雲天氣下為雨惟此氣流水斯為雲為
雨也今之醫者一遇此疾則曰內經有言諸濕腫滿
皆屬脾土土虛則濕停濕停則滲透肌膚遍身腫滿
不可不通利也輟用利小便及補中之劑如五苓散
胃苓湯加木通車前子大腹皮滑石之類法未為爽
謬不然顧服之愈多而小便愈少腫脹愈急何故哉
不溫補下元而徒以通利之藥施之也果若此豈惟

不效則下元益虛真氣益弱死期且至安望其有廖乎余嘗究心靈素忝會易理憬然有得於中且施之病者隨試輟效故筆之於冊以公我之同志

補壯原湯于陵

治氣脹之劑

平肝飲子 專治喜怒不節肝氣不平邪乘脾胃心腹脹滿頭運嘔逆脉來浮弦

防風 桂心 枳殼 赤芍 桔梗

炒各一兩

人參

甘草

炙

枳榔

當歸

酒洗

川芎

陳皮

各五錢

每服五六錢薑五片水煎服

紫蘇飲子 治憂思過度致傷脾胃心腹膨脹喘促煩

悶腸鳴氣走漉漉有聲大小便不利脉虛緊而澁

方在痞門

調中順氣丸 治怒氣傷肝三焦痞滯水飲停積脇下

虛滿或時刺痛

木香 白豆仁 青皮 橘紅 三稜

炮各一兩

半夏

泡

大腹子

各二兩

砂仁

檳榔

沉香

錢各五

糊丸梧子大每服三五十九陳皮湯下

木香順氣湯 治濁氣在上則生膈脹及七情所傷

陳皮

厚朴

各四分

川歸

五分

草豆蔻

麝香去皮

木香

蒼朮

米泔洗各三分

青皮

益智仁

白茯苓

澤瀉

半夏

泡

乾生薑

吳茱萸

升麻

柴胡

各二分

加薑水煎服

直指橘皮湯 治七情所傷中脘不快腹脇脹滿

香附米

半夏

橘紅

各二兩

甘草

七錢半

每服一兩薑五片棗二枚水煎服

四製枳殼丸 治腹脹鼓疾

陳枳殼

去穢四兩分四製 一兩用蒼朮一兩同炒 一兩用乾漆一兩同炒 一兩用茴香一兩

同炒 一兩用蘿菔子一兩同炒

以炒枳殼黃色為度去同炒藥

只用枳殼為末却將蒼朮等四味煎湯去渣打麵糊為丸梧子大每服五十丸米飲湯吞下

烏藥順氣散 脹滿痞塞七情憂思所致此方如神

天台烏藥 香附 沉香 砂仁 橘紅 半夏

為末每服二錢灯心湯調

寬中八寶散 治全前方

木香 歸尾 蘿蔔子 真蘓子 檳榔

砂仁

各一錢半

沉香

牙皂

各一錢

共為末每服一錢或二錢黃酒調下

小水不利并水腫加苦葶藶子末一錢五分螻蛄
後段炙末一錢入前方內

治寒脹之劑

大正氣湯

治脾胃虛寒外為風寒濕氣擾動心腹脹

滿

藿香

厚朴

陳皮

半夏

白朮

各二錢半

檳榔

桂枝

枳殼

乾薑

炮各一錢三分

甘草

炙五分

分作二帖薑三片水煎服

大半夏湯

治肝氣大盛尅勝於脾脾鬱不行結聚涎

沫胃中脹滿其脉弦遲

半夏

桂心

各五兩

附子

炮

人參

甘草

炙

厚朴

川歸 茯苓

枳實

各二兩

川椒

炒去汗用開口無目者八百粒

每服四五錢薑棗煎服

沉香降氣湯

治中脘脹滿時吐脇疼每噫則覺氣快

不噫則悶漸覺面浮磨枳榔入紫蘓同煎下神保丸

五七粒

香附

一兩

沉香

五分

砂仁

二錢

粉草

三錢

右為末每服一錢入鹽少許沸湯服

神保丸 治諸寒積脹滿急痛大便秘不利

木香

胡椒

錢一全蝎

七個巴豆

十粒去皮心研

右為末餗餅丸麻子大硃砂為衣每服五丸腰脇疼痛茴香酒下餘陳皮湯下

順氣木香散

治氣不升降嘔逆惡心胸脇痞悶脇肋

脹滿及酒食所傷噎食吞酸心脾疼大便不調及嬾人血氣刺痛一切冷氣服此寬中利氣和胃進食

丁香

砂仁

良薑

桂心

乾薑

炮

甘草

炙

橘紅

厚朴

蒼朮

桔梗

茴香

炒各

三兩

每服五七錢加薑棗水煎服

草澄茄丸

治痞滿脹痛穀脹氣脹通用

草澄茄

白豆蔻

砂仁

青皮

蘿蔔子

木香

各二分

肉豆蔻

茴香

炒

丁香

桂

各一分半

陳皮

三分

右為末麵糊丸梧子大每服三十丸陳皮湯吞下

導氣丸

治諸痞塞腹脹如鼓大便秘結等症又腎氣

小腸氣痛功效尤捷

青皮

水蛭等分同炒去水蛭

莪朮

蛭虫等分同炒去蛭虫

枳榔

斑貓同炒去斑貓

胡椒

茴香同炒
去茴香

三稜

乾漆炒
去乾漆

吳茱萸

黑丑同炒
去黑丑

赤芍藥

川椒同炒
去川椒

石菖蒲

桃仁同炒
去桃仁

乾薑

硃砂同炒
去硃砂

大附子

青鹽同炒
去青鹽

右十味為末酒糊為丸梧子大每服五十九加至

七十九紫蘓湯下

沉香飲 治腹脹氣喘坐卧不安

沉香 木香

枳殼

各五錢

蘿蔔子

炒一兩

每服五錢薑三片水煎服

木香化滯湯 破滯氣心腹滿悶

甘草

炙

白檀香

藿香

陳皮

桔梗

大腹皮

茯苓

白朮仁

各二分

砂仁

人參

青皮

檳榔

木香

薑黃

白朮

各四分

水煎服

縮砂飲 治氣脹氣壅等病如神

蘿蔔子

研砂仁

不拘多少以蘿蔔子汁浸透炒乾又浸又炒不厭次多愈多愈妙

為細末每服一錢米飲下

四炒丸

治年高入患鼓脹獨只腹脹肢體如柴舉動

乏力

木香

檳榔

各一兩
五錢

二味剉如芡實大四製

一分用蘿蔔子一兩同炒
深黃色去蘿蔔子不用一

分用乾漆一兩炒烟盡去漆一分用茴香一兩炒
深黃色去茴香一分用莪朮一兩炒黃色去朮

右只留木香檳榔為末以四味同炒藥煎湯打糊
為丸菴豆大每服七八十九米飲下

中滿分消湯

治中滿寒脹寒疝大小便不通陰躁足

不收四肢厥冷食入反出下虛中滿腹中寒心痞下
寒沉厥奔豚

益智仁 半夏 木香 茯苓 升麻

各七錢五分

川烏 人參 青皮 當歸 生薑 柴胡

乾薑 黃連 葶藶 黃芪 吳茱萸

草豆蔻 厚朴

各五錢

右每服一兩水煎溫服大忌房勞濕麵生冷

一方

有麻黃澤瀉各二錢五分黃柏五分

錢氏塌氣丸

胡椒

一兩

蝎梢

半兩

為細末麵糊丸如粟米大每服五七丸至一二十

丸陳米飲下

木香塌氣丸 治單腹脹

丁香

胡椒

各二錢

蝎尾

半兩

枳實

一兩

白牽牛

一兩

郁李仁

四錢

木香

檳榔

兩

各半

為末飯丸茱豆大每服十九至十五丸陳皮生薑

湯任下

木香散 治魚腹脹

木香 青皮 白朮 薑黃 草豆蔻

各半兩

阿魏 葷澄茄

各一兩

右末醋糊丸菴豆大每服二十九生薑湯下

又方 治鼓氣

大癩蝦蟆一隻新瓦二片相合鉄線纏定盛在內外
用鹽坭固濟慢火煨存性為末

溫酒調服
下三五錢

治熱脹之劑

中滿分消丸 治中滿鼓脹氣脹大熱脹水脹

人參 白朮 薑黃 黃芩 黃連 半夏炮

枳實麩炒各五錢 甘草炙 猪苓各一錢 茯苓 砂仁

乾生薑各二錢 厚朴姜製一兩 知母炒四錢 澤瀉 橘紅各三錢

右研茯苓澤瀉生薑各為末餘共為末和勻餽餅
為丸梧子大每服百丸白湯吞下

沉香交泰丸 治濁氣在上而擾清陽之氣鬱而不伸

為臍脹

沉香 白朮

橘紅 各三錢

茯苓

澤瀉

枳實

去穢炒

吳茱萸

湯洗

當歸

酒浸

青皮

去白

木香

各一錢

大黃

酒浸

一兩

厚朴

薑製五錢

湯浸餗餅為丸梧子大每服七八十丸白湯下微

利即止

廣茂瀆堅湯

治中滿腹脹內有積塊堅硬如石令人

坐卧不安大小便澀滯上氣喘促遍身虛腫

厚朴 黃芩 益智 草豆蔻 當歸 各五錢 吳茱萸

紅花 酒洗 升麻 廣茂 各二錢 甘草 柴胡 澤瀉

神曲 炒 陳皮 青皮 各三錢 黃連 六錢 半夏 七錢

每服七錢薑三片水煎服 渴者加葛根 四錢

鷄屎醴飲 治鼓脹旦食暮不能食痞滿壅塞

雄鷄屎 臘月取晒乾一兩 川芎 一兩

二味各為極細末和勻麵糊丸梧子大每服五十

丸溫酒下

又方

加大黃

一兩

每服二錢薑湯下

推氣丸

治三焦痞塞氣不能降胸脇脹滿大便秘小

便赤

陳皮

枳榔

枳實

黃芩

大黃

黑丑

生者五分

為末蜜丸梧子大每服五七丸臨睡白湯下

大異香散

治穀脹失飢傷飽痞悶停酸早食暮不能

食

陳皮

青皮

京三稜

莪朮

益智仁

香附子

藿香

半夏曲

桔梗

各五錢

枳殼

五錢

甘草

炙三分

每服五六錢薑棗煎服

木香分氣丸 善治脾胃不和心腹脹滿兩脇膨脹胸膈注滿痰嗽喘急刺心乾嘔咽喉不利飲食不化並皆治之亦治穀脹

木香 檳榔 青皮 莪朮煨 當歸 黃連

白朮 枳殼炒 橘紅 肉果 乾生 玄胡索

京三稜煨 赤茯苓 秋冬加丁香炒

各等分為末麵糊丸小豆大每服三五十丸生

湯下 忌生冷茄子馬齒莧

補下元之劑

牡原湯 治下焦虛寒中滿腫脹小水不利上氣喘急
陰囊兩腿皆腫或面有浮氣

人參 白朮

錢各二

茯苓

破故紙

錢各一

桂心

大附子 乾薑

砂仁

錢各五

陳皮

錢七

水煎食遠服

有痰加半夏

錢一

喉中痰聲加桑

白皮

錢一

咳嗽亦加

腳趺面腫加薏苡仁

錢二

中

氣不轉運不知餓加厚朴木香 氣鬱不舒加沉香烏藥臨服磨入 氣虛甚者人參加作五錢大附子加作一錢半 汗多者再加桂枝五分白芍藥酒炒過八分 若夏月喘乏無力或汗多者加麥門冬一錢五味子十一粒 夜夢不安者加遠志一錢兩脇氣硬加白芥子八分若面浮腫脇下氣硬加白芥子紫蘇子五分 若身重不能轉動加蒼朮一錢澤瀉七分 濕盛加桑白皮赤小豆

治血脹

人參芎歸湯

治小便多大便黑痛悶喘惡名曰血脹

當歸

半夏

三分

川芎

一分

莪朮

煨

甘草

炙

木香

砂仁

烏藥

錢各五

人參

桂

五靈脂

炒各

一分

每服三五錢紫蘗葉

四片

薑

五片

棗

一枚

水煎服

一方

治血鼓腹脹如盈

三稜

煨

莪朮

乾漆

盡

炒烟

牛膝

去芦

酒洗

蛭虫

炒

糯米

琥珀

肉桂

硃砂

水蛭

石灰

大黃

各等

分

為末用生地黃自然汁和米醋調勻為丸梧子大
每服十丸空心溫酒下童便下亦可

鷄屎醴散 治旦食暮不能食血脹痞滿

大黃

桃仁

去皮尖

乾鷄屎醴

等分

為末每服一錢生薑三片煎調食後臨睡服治積
塊不消發為脹滿之劑

治五蟲脹丸 忌鹽四十日

官桂 歸尾

橘紅

檳榔

枳壳

炒

莢术

炒

三稜

炒

大黃

酒煮

青皮

黑丑

君

白商陸

君

芫花

君

大戟

甘遂

去心麴包煮

赤小豆

椒目

木香

砂仁

乾漆

炒烟盡君

枳實

炒

酒糊為丸梧子大初服三日每服九十九過三日服八九十九又過三日服七十九每用葱七根煎湯送下空心服以行四五次為度行後以溫粥補之不行而吐者亦妙次用補法

補方

青皮

桔梗

義朮

三稜

枳實

枳壳 木香 砂仁 茯苓 檳榔 陳皮

芍藥 細辛 歸尾 人參 香附 等分

每服四五錢水煎服須要過四五十日後

方許食
鹽醬

食鹽用藥法

鯽魚去腸將五苓散末入魚腹中焙乾為末白湯調

服方許食鹽 已上三方乃一宗方極峻利非積

固體厚者未敢謾試姑錄此以備參考

溫白丸 治心腹積聚心下堅結大如杯碗傍攻兩脇

心痛食不消化

桔梗 柴胡 菖蒲 紫苑 黃連 乾薑

桂皮 茯苓 川椒 吳茱萸 巴豆

去皮心膜
去油炒

人參 厚朴

各五錢

川烏

炮二兩
五錢

皂莢

去皮子
炙五錢

右為末入巴霜和勻煉蜜為丸梧子大每服三十丸紫蘚湯下取下積滯如魚腦爛綿而安

小檳榔丸 治脾虛腹脹不進飲食快氣寬中

蘿蔔子

炒

檳榔

煨

黑丑

炒

木香

各五錢

為末麵糊丸梧子大每服三四十丸薑湯下

治蠱脹將愈內有痞塊用此消之

青皮 枳壳 三稜 莪朮 蒼朮 厚朴

桂皮 香附 各一兩 砂仁 草果 針砂 白芷 各五錢

烏藥 乾漆 乾薑 各一兩 歸尾 一兩 枳榔 一兩

木香 二錢 阿魏 一錢 一方有录礬 一斤 陳皮 一兩

為末棗肉丸梧子大每空心 好酒吞下五十九
漸加至二錢

治脾虛之劑

強中湯 治痰生冷過飲寒漿有傷脾胃遂成腹脹心

下痞滿有妨飲食甚則腹痛

乾薑

炮

白朮

各二兩

青皮

去白

人參

丁香

各三兩

草果仁

附子

炮去皮臍

厚朴

姜製五錢

甘草

炙五錢

每服四五錢薑棗煎服 嘔者加半夏

如食麵腹脹加蘿蔔子

各五錢

溫胃湯 治憂思鬱結脾肺氣凝大腸與胃氣不平脹

滿冲咳食不得下脉虛而緊瀉

附子

炮

歸尾

厚朴

生

人參

陳皮

白芍

甘草

炙各一兩

乾薑

兩二錢半

川椒

二錢半炒

每服五六錢水煎服

草豈寇湯

治腹中虛脹

澤瀉

一分

木香

三分

神麴

四分

半夏

枳實

益智

草豆蔻

黃芪

春夏不用

甘草

各五分

青皮

陳皮

各六分

茯苓

當歸

各七分

生薑三片水煎服

冬再加黃芪

五七分

通氣生薑丸 治三焦虛脹

人參 茯苓 神麴炒 麥芽炒各兩半 官桂 歸尾

陳皮炒六兩 半夏洗一兩 生薑去皮切六兩 厚朴六兩

右為末以生薑汁煮麵糊為丸梧子大每服三十丸空心食前米飲下

治脹而喘嗽之劑

定喘葶藶丸 治鼓脹喘嗽

葶藶 木香 貝母等分

為末飣餅糊丸梧子大硃砂為衣煎桑白皮湯下
或即以四味為末仍以桑白皮湯下尤妙

附雜方

敷藥 治腹硬如石或陰囊腫大先用熟水煎甘草後
以藥敷肚上

大戟 芫花

甘遂

海藻

各等分

為末醋調塗或用白麵調藥敷肚上

慰法

治腹脹如鼓澁如木皮樣

杜烏藥

并葉

荊芥

蒼朮

茵草

山茵陳

二蚕沙

松毛

橘葉

椒目

烏頭

赤豆

樹葉

藟

各等分作二次炒熟以布袋盛熨之冷又炒熨三

四十度或復用煎水薰洗或服神保丸微瀉泄

其氣

獨聖散

治脾胃不足過食生冷心腹痛脹

鹽

五合

以水一升煎化頓服自然吐即定

食麵多腹中飽脹以熱酒和生薑汁飲一二盃即消

桂香丸

治大人小兒過食雜菓腹脹氣急

肉桂

不見火
一兩

麝香

另研
一分

為末飯九菜豆大小兒七丸大人十五丸白湯下

二三服神效

西來方

治腹中積塊作脹作痛大小便不利

硼砂

二錢

苦葶藶子

海金沙

各三錢

乳香

一錢半

沒藥

牙皂

各錢半

枳榔

陳皮

三稜

各二錢

莪朮

二錢半

木香

錢一共為末每服五分滾水調下

重鹽

生生子曰按鼓症內經靈樞水脹篇只有水與膚脹鼓
脹腸覃石瘕石水六者又脹論篇載五臟六腑皆有
脹狀甚著後代諸書論脹鮮有發明予在吳下時有
同志友吳生諱震號九宜者博雅君子也每與予討
論多善予一日偶談及鼓脹乃詰予曰鼓有虫否乎
予卒不敢應俛思久之對曰或有之當以疑辭對者
蓋以目未見而書無考也按許學士本事方云臍腹
四肢悉腫者為水但只腹脹而四肢不甚腫者為蠱

註謂蠱即鼓脹也由是叅之古人曾以蠱脹同名矣
且蠱以三虫為首豈無旨哉愚謂鼓脹即今云氣虛
中滿是也以其外堅內空腹皮綳急有似于鼓故以
鼓脹名也彼蠱症者中實有物積聚已久濕熱生虫
理或有之吳生曰子質何其敏也予堂嫂病鼓三載
腹大如箕時或脹痛四肢瘦削三吳名劑歷嘗不瘳
吳俗死者多用火槨燒至腹忽响聲如炮人皆駭然
乃見虫從腹中炮出高二三丈許燒所之天為昏俄

而墜地細視之皆蛔也不下千萬數大者長尺餘虫
腹中復生小虫多者十五六條或十數條或五六條
虫在人腹中蕃息若此曷不令人脹哉區區藥劑豈
易廖哉顧蠱以多虫為首于義始見許之以蠱名鼓
者旨可徵矣惜乎諸書未有言及子既為後人立言
幸繹數方以備後之治鼓疾者知有此蠱字義也予
聞之恍然如夢始覺然猶未親見其異也歲萬曆癸
巳赴督漕理刑吳比部之召而至淮陰有王鄉宦者

其子年十六新娶後腹脹大按之有塊形如稍瓜四肢瘦削發熱晝夜不退已年半矣族醫惟以退熱消腫之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹則疼又多嗜肥甘余思諸凡腹疼者唇色淡不嗜飲食今若此得非虫乎投以阿魏積塊丸服之果下虫數十大者二一紅一黑長尺餘虫身紅線自首貫尾虫腹中有虫大者幾條小者亦三四條虫下則熱漸減脹漸消三

下而愈此余所親治者益信前聞之不虛也世之奇症書所未載者大率類此胡可以未聞未見者而輕議之也余因紀其聞見贅其方於鼓症之末

治虫蠱之劑

八毒赤丸 治男婦染著神鬼謂之鬼症病服之甚效
治虫積蠱脹如神

雄黃

研另

礬石

硃砂

研另

牡丹皮

附子

炮

藜蘆

巴豆

各一兩

蜈蚣

一條

右為末煉蜜丸如小豆大每服五七丸至十九冷水送下無時昔有副使許可道至雄州請醫看脉乍大乍小乍短乍長氣血不均邪氣傷正本官說去路至邯鄲驛中夜夢一婦人著青衣不見面用手于脇下打了一拳遂一點痛往來不止寒熱不食乃鬼驚也可服八毒赤丸本官言讀名醫錄中看李子豫八毒赤丸為殺鬼杖子遂與藥三粒臨卧服明旦下清水二斗立效製藥時宜志誠齋戒

紫金丹

治虫蠱并虫積

大黃

枳檉

各三兩半

蒼朮

貫仲

牙皂

香附

各三兩

三稜

雷丸

黑丑

各二兩

史君子

一兩半

白蕪荑

苦楝

根皮各二兩半

右為末每服三錢五更時沙糖湯調服至天明下

虫積不問黃腫鼓脹心痛一服即效 小兒減半

看大小輕重

又方 治全

黑丑

五靈脂

好酒煮

檳榔

各五錢

大黃

一兩阿魏

二錢

桃仁

去皮尖研如泥不抽分兩但可九為率

右為末以桃仁膏為丸梧子大每服二錢白湯送下

積塊丸

治癥瘕積聚癖塊一應難消難化腹中飽脹或虫積疼痛皆能取效若神不傷元氣

京三稜

莪朮

各用醋煨

自然銅

蛇含石

各燒紅醋淬七

次二錢

雄黃

蜈蚣

全用焙燥各一錢二分

辰砂

八分

木香

一錢半

鉄華粉

用糯米醋炒一錢

蘆薈

天竺黃

阿魏

全蝎

洗

用焙乾各四錢

沉香

八分

冰片

五分

右為極細末用雄猪胆汁煉為丸黑狗胆汁尤妙
丸如梧桐子大或服七八分重者一錢五更酒送
下塊消即止不必盡劑

痞氣門

內經曰大陰所至為積飲痞隔

痞者心下痞滿而不能食也

仲景云滿而不痛為痞滿而痛為結胸

劉河間曰痞與否同不通泰也謂精神營衛血氣津液出入流行之紋理閉密而為痞也

東垣曰脾無積血不痞夫痞者心下滿而不痛是也太陰者濕土也主壅塞乃土來心下為痞滿也傷寒下太早亦為痞乃因寒傷其營營者血也心主血邪入於本故為心下痞悶仲景立瀉心湯數方皆用黃連

以瀉心下之土邪其效如響應桴故活人書云審知是痞先用桔梗枳殼湯非以此專治痞也蓋因先從錯下必成痞症是邪氣將陷而欲遏胸中故先用截散其邪氣使不致于痞先之一字早用之義也若已成痞而用之則失之晚矣不惟不能消痞而反損胸中之正氣則當以仲景痞藥治之經云察其邪氣所在而調治之正謂此也非止傷寒如此至于酒積雜病下之太過亦作痞蓋下多亡陰亡陰者謂脾胃水

穀之陰亡也故胸中之氣因虛下陷于心之分野故
至心下痞宜升胃氣以血藥兼之若全用氣藥治之
則其痞益甚甚而復下之氣愈下降必變為中滿鼓
脹皆非其治也又有虛實之殊如實痞大便閉者厚
朴枳實湯主之虛痞大便利者白芍陳皮湯主之如
飲食所傷痞悶者當消導去其胸中窒塞上逆兀兀
欲吐者則吐之所謂在上者因而越之是也

王海藏曰治痞獨益中州脾土以血藥兼之其法無以

加矣

傷寒痞者從血中來雜病痞者亦從血中來雖俱為
血症大抵傷寒之症從外至內從有形至無形故無
形氣症以苦泄之有形血症以辛甘散之中滿者勿
食甘不滿者復當食也中滿者腹脹也如自覺滿而
外無腹脹之形即非中滿乃不滿也不滿者病也當
以甘治之可也

綱目云無形氣症以苦泄之者枳實黃連之類是也有

形血症以辛甘散之者仲景人參湯之類是也

劉宗厚曰痞之為病由陰伏陽蓄氣血不運而成處心
下位中央腹滿痞塞皆土之病也與脹滿有輕重之
分痞則內覺痞悶而外無脹急之形脹滿則外有形
也前人所論皆指誤下而致之亦有不因誤下而然
者如中氣虛弱不能運化精微則為痞飲食痰積不
能施化則為痞濕熱太盛土乘心下則為痞既痞與
濕同治惟上下分消其氣如果有內實之症庶可畧

與踈導世人痞塞喜行利藥以求速效暫時通快痞若再作益以滋甚是不察夫下多亡陰之意也

統旨曰痞有虛實之殊而又有濕有熱有痰有鬱有風寒不消有脾胃虛弱有飲食過傷者當求所因而分治之如實痞大便秘閉以黃連枳實厚朴苦以泄之虛痞大便利以芍藥陳皮酸以收之濕者四肢困重小便短少宜蒼朮茯苓半夏滑石澤瀉以滲之鬱者則流滯不通食難消化宜撫芎香附蒼朮枳實以開之

熱則煩渴溺赤用黃連黃芩葛根升麻以發之便結
者即而利之痰則胸中窒塞用半夏瓜蒌枳實黃連
以豁之欲吐者因而越之飲食後因冒風不消而痞
宜吳茱萸砂仁草豆蔻藿香溫以化之脾胃弱而轉
運不調為痞宜四君子湯等甘以補之飲食過傷則
腹飽噯氣而致痞塞者又當以青皮枳實厚朴山查
麴蘖以消導之至於痰挾血成窠囊而痞者用桃仁
紅花香附大黃之類若脉右關多弦弦而遲者必心

下堅此肝木尅脾土鬱結凝閉於臟腑氣不舒則痞
木香順氣湯如下多則亡陰而痞者四物加參苓白
朮升麻柴胡少佐以陳皮枳殼監制或大病後元氣
未復而痞補中益氣湯加陳皮凡此痞滿不可執全
在活法詳脉證虛實而治之也

劉河間曰三陰三陽之標本治各不同有用寒藥而為
熱痞大黃黃連之類也有用寒熱藥者陰與陽不和
而痞大黃黃連加附子之類也有用辛熱藥多而寒

藥少者陰盛陽虛而痞半夏生薑甘草瀉心三方之類瀉心湯者非瀉心火之熱乃瀉心下之痞也通而論之其藥陽多而陰少蓋病發于陰而得之有大黃黃連瀉心湯獨為陰心下痞而脉疾一証桂枝後用從太陽浮弱所變餘皆陰陽雜用

直格云傷寒裏之陰分已受熱邪是病發于陰也或熱微而下証未全誤下之早則裏熱除去表熱乘虛入裡而作痞也故仲景攻痞多用大黃黃連黃芩寒藥

爾後或加乾薑附子之類者是以辛熱佐其寒藥欲令開發痞之怫熱結滯也非攻寒耳

劉宗厚曰河間論瀉心湯分陰陽寒熱多少而用藥可謂詳切矣而此論則專主於熱二者似乎不同要之各有所當蓋直格是言其受病之本河間是論其用藥之標若以為痞有陰寒之症耶則仲景瀉心五方何皆用黃芩黃連之類若以為痞無陰陽之異耶何瀉心湯又有兼用附子乾薑半夏生薑之類者也一

言其本一言其標而已

治熱之劑

仲景大黃黃連瀉心湯 治心下痞按之濡其脉關上
浮或寸沉關浮而有熱者

大黃 二兩
黃連 一兩

右剉以麻沸湯漬之須臾絞去渣分溫再服

劉宗厚云此少陰經藥也出陽明例成無已云大
黃黃連以導瀉心下之虛熱以麻沸湯漬服者取
其氣薄而泄虛熱也又按伊尹湯液論大黃黃連
黃芩湯共三味今監本無黃芩脫落之也又保命

集無黃芩加

甘草一兩

散寒瀉熱之劑

仲景附子瀉心湯 治心下痞而復惡寒汗出脉沉遲

也

大黃

二兩

黃連

黃芩

各一兩

附子

一枚炮去皮
臍別取汁

右剉以麻沸湯浸之須臾絞去渣內附子汁分溫

再服

半夏瀉心湯 治汗下後身寒痞滿而嘔飲食不下脉

微按之不痛非柴胡症

半夏

半升
泡

黄芩

乾薑

人参

各三
兩

黃連

一
兩

大棗

十二
枚

甘草

炙二
兩

右七味以水一斗煮取六升去渣再煮取三升温
分三次服

生薑瀉心湯

治汗下後胃中不和乾噫食臭自利腸

鳴脇下有水氣而心下痞滿

即半夏瀉心湯加生薑四兩

乾薑只
用一兩

甘草瀉心湯

治下之後腹中雷鳴心下痞硬再下之

痞益甚此非結熱以胃中虛客氣上逆也即半夏瀉

心湯去人參甘草加作四兩

劉宗厚云以上諸瀉心湯元戎云手少陰藥也以其
心下痞故入陽明何況服梔子黃芩黃柏大黃為上
下通經之劑安
得不例陽明乎

秘藏大消痞丸

治一切心下痞悶及積年久不愈者

黃連

炒

黃芩

錢各六

薑黃

白朮

錢各一

甘草

炙

砂仁

乾生薑

神麴

錢各一

人參

錢二

枳實

錢炒五

橘紅

錢二

澤瀉

錢三

厚朴

錢製二

猪苓

錢一

半夏

錢四

右為末，餗餅糊為丸，梧桐子大，每服五十丸，漸加至

百丸，白湯送下。

枳實消痞丸 治右關脉浮弦，心下虛痞，惡食懶倦，開

胃進食。

枳實

黃連

錢各五

乾生薑

錢二

厚朴

錢製四

人參

白朮

半夏麴

甘草

錢各三

茯苓

錢二

大麥麴

錢二

右為末，餗餅糊為丸，梧桐子大，每服五六十丸，白湯

送下

失笑丸少
茯苓治全

劉宗厚云以上二方並半夏瀉心湯加減法也內有枳實湯四君子五苓平胃等利濕消痞補虛之

藥

也

溫中散飲之劑

枳實理中丸 治中脘痞滯氣不宣通積寒停飲食不

消化

人參

乾薑

炮

白朮

枳實

甘草

炙各
一兩

右為末煉蜜丸如鷄子黃大每服一九細嚼白湯

下或沸湯化下

活人書
有茯苓

理氣之劑

活人桔梗枳殼湯 治傷寒痞氣胸滿欲絕

桔梗

枳殼

去穢炒
各三兩

右剉水煎分作二服

此手太陰經藥也活人書云審知是痞先用此湯無不驗也緣枳殼行氣下膈故救海藏云活人用此非治痞也審知錯下必成痞是氣將陷于胸中故先用此使不致于痞也若已成痞復而用之則失之晚而胸中之氣愈痞矣先之一字預早之意也

宣明枳榔散 治傷寒陰症下後成痞滿而不痛按之

虛軟

枳榔

枳殼

等分

為末每服三錢煎黃連湯調下

寶鑑三腕痞氣丸 治三焦痞滯水餘停積脇下虛滿

木香

白豆仁

青皮

炒

京三稜

炮

半夏

橘紅

枳榔

砂仁

沉香

各五錢

大腹皮

一兩

為末麴糊丸梧桐子大每服五六十丸食後陳皮

湯送下

東垣木香消痞丸 治因憂思氣結中脘腹皮厚微痛

心下痞滿不思飲食

木香 紅花 乾薑

錢各五

柴胡 橘紅

錢四三

當歸尾

錢二

半夏

甘草

錢各一兩

為末 飴餅糊丸 菜豆大白湯送下七八十丸

七氣湯 治憂思鬱結心腹悶

方見氣門

煎治濕熱之劑

東垣黃連消痞丸

治心下痞滿壅塞不散煩熱喘促

不寧

黃連

黃芩

澤瀉

各一兩

枳實

炒

半夏

各七錢

乾薑

二錢

白朮

茯苓

甘草

炙各三錢

薑黃

一錢

猪苓

右為末飭餅糊為丸梧桐子大每服五七十九食

前白湯下

蘓橘飲

治氣壅發虛浮腫甚效

陳紫蘓

十四葉

全陳皮

二片

砂仁

六枚

甘草

六寸

生薑

十片

棗

五
個

右水煎服

紫蘓飲子 治憂思傷脾心腹膨脹喘促胸滿腸鳴氣走漉漉有聲大小便不利脉虛緊而瀼

蘓子

一 兩

木通

半夏

厚朴

木香

草果

陳皮

枳實

人參

白朮

粉草

大腹皮

錢各五

每服五錢薑棗煎服

陳橘皮散

治腹內諸痞脹

橘紅

紫蘓

大腹皮

各一兩

漢防已

錢五

木香

錢五

枳榔

木通

赤茯苓

各三分

每服五錢加薑煎服

雜治

東垣木香消痞湯

治因憂思鬱結中脘腹皮急微疼

心下痞滿不思飲食亦不化常覺痞悶

柴胡

木香

各七分

半夏

生薑

枳實

各一錢

陳皮

八分

甘草

炙五分

歸尾

二錢

草豆仁

一錢

紅花

少許

水煎食前熱服忌酒麵等物

王海藏云少陰下痢面赤心下痞瀉心湯加減例易老
單用黃連瀉心湯用錢氏法後隨証加減煩者加山
梔燥者加香豉嘔加半夏滿加枳實厚朴
腹疼加芍藥脉遲加附子下焦寒加乾薑大
便硬加大黃如用薑附先煎令熟使熱不僭後加
黃連同用

內傷之劑

枳朮丸 治痞消食強胃

枳實

去穢麋炒
黃色一兩

白朮

二兩

為末以荷葉裹燒飯為丸梧桐子大每服五七十丸

橘紅枳朮丸 治老而元氣虛弱飲食不消臟腑不調

心下痞悶 前方加橘紅一兩

古庵橘連枳朮丸 補脾和胃瀉火消痰

即前方再加薑黃黃連一兩

平補之劑

平補枳朮丸

調中補血氣消痞清熱

白朮

三兩

白芍

酒炒一兩半

陳皮

枳實

去穢炒

黃連

薑汁炒各一兩

人參

木香

各五錢

右為末荷葉打米糊丸梧桐子大每服六七十丸

米飲下

古庵云白朮補脾氣為君白芍藥補脾血為臣陳皮以和胃枳實消痞黃連清熱為佐人參以補元氣木香以調諸氣為使如此平補氣血均去痰火魚通氣道則病邪日消而脾胃日壯矣

丹溪云心下痞須用枳實黃連

此亦是苦以泄之

攻補兼施之劑

東垣黃芪補中湯 脾虛不能滲濕內痞外浮

人參

八分

黃芪

甘草

白朮

蒼朮

陳皮

各五分

茯苓

猪苓

澤瀉

各三分

水煎溫服送下大消痞丸

補中益氣湯 治中氣虛心下痞

脉緩有痰而痞加半夏黃連 脉弦四肢滿閉便難

心下痞加柴胡黃連甘草 大便秘燥加黃連桃仁
少加大黃歸身 心下痞悶者加白芍藥黃連 心
下痞腹脹加五味子白芍藥砂仁 天寒月加乾薑或
肉桂 心下痞中寒者加附子黃連 心下痞嘔逆
者加黃連生薑陳皮假如冬月再加黃連入丁香藿
香葉 能食而心下痞加黃連五分枳實三錢 如
不食心下痞者勿加止照本方服之 食已而心下
痞別服橘皮枳朮丸

治痰之劑

濟生瓜蒌實丸

治胸膈痞痛徹背脇脹喘急妨悶

瓜蒌實

研

枳實

去穰
麩炒

半夏

桔梗

各等分

為末薑汁打糊為丸梧子大每服五七十九食後

淡薑湯下

按此方瓜蒌以潤肺降痰枳實破滯氣半夏豁痰

燥溫桔梗開膈載藥可謂善治痞悶喘急矣然痰

因火動者加黃連尤妙蓋

黃連佐枳實消痞甚速

赤水元珠卷五